


# Alkitab Buat Bocah Nampilin



Sorga, Rumé  
Tuhan nyang  
Indah



Nyeng nulis: Edward Hughes

Nyeng bikin gambar: Lazarus  
Alastair Paterson

Nyeng nyocokin: Sarah S.

Nyeng terjemahin: [www.christian-translation.com](http://www.christian-translation.com)

Dibikin buat: Bible for Children  
[www.M1914.org](http://www.M1914.org)

©2023 Bible for Children, Inc.

Perijinan: Enté boleh ngegandain atau nyetak ini cerita,  
selama enté kagak ngejualnya.



Waktu Yesus idup di bumi dia bilang ke murid-muridnyé tentang Sorga. Dia nyebutnyé "Rumé Bapak Ayé", dan bilang kalo disono adé seabreg istana. Atu istananyé gede banget, rumé nyang indah. Sorga lebih gede dan lebih indah dari apapun nyang adé di bumi.



Yesus ngomong, "Ayé pegi nyiapin sebuah tempat buat enté. Dan kalo Ayé pegi nyiapin tempat buat enté, Ayé bakalan dateng lagi dan nerima enté ke buat Ayé." Yesus udeh pegi ke Sorga, pas dié bangkit dari kematian. Pas murid-muridnyé nonton, Yesus diangkat keatas, dan awan menerima

Dia sampé hilang dari




penglihatan.

Semejak ntu, umat Kristen ingét janjinyé Yesus buat balik amé ngebawa mereka. Yesus ngomong dia bakal balik tiba-tiba, pas kaga ada nyang ngira. Tapi gimana dengan umat Kristen nyang deuh mati duluan sebelon Dié dateng?

Alkitab berkaté mereka langsung pegin bebarengan amé Yesus. Misah dari tubuh nyang berarti adé amé Tuhan.



Wahyu, kitab terakhir nyang adé di Alkitab, ngasi tau kité gimane indahnyé Sorga. Hal nyang paling indah, dengan cara nyang istimewa, Sorga adalah Ruményé Tuhan. Tuhan adé dimane-mané, tapi tahtaNyé adé di Sorga.



Malaikat amé makhluk  
sorga nyang laen nyembah  
Tuhan di Sorga. Juga semué  
pengikutnyé Tuhan nyang  
udeh mati dan pegin ke Sorga.  
Mereka nyanyiin lagu-lagu  
pujian khusus  
buat Tuhan.




Ni beberapa kata-kata dari salahsatu lagu nyang mereka nyanyiin: ENTÉ PANTÉS UNTUK NYANG UDEH NEBUS KITÉ KE ALLAH OLEH DARAH YANG TERCURAH DARI SEMUÉ SUKU, DAN BANGSA DAN MEJÁDIKAN KITÉ RAJA DAN PENDETA BUAT TUHAN KITÉ.  
(Wahyu 5:9)




Halaman nyang paling terakhir dari Alkitab nerangin  
Sorga sebagai "Yerusalem Baru". Gede, Gede  
banget, dengan sebuah tembok nyang tinggi diluar.  
Temboknya dibuat pake batu jasper, bening sebening  
kristal. Permata amé bebatuan nyang  
berharga


nutupin  
pondasi  
temboknyé,  
bekilauan dengan  
warna-warna nyang  
menawan. Tiap  
gerbang kotanyé  
terbuat dari mutiaré  
tunggal nyang gede!




Ntu Gerbang nyang dibikin dari mutiaré kaga pernah  
nutup. Nyok masuk kedalem dan liat-liat ...WOW!  
Sorga bahkan lebih indah didalem. Kotanyé terbuat  
dari emas murni, bening kayak kaca. Bahkan  
jalalannyé terbuat  
dari emas.




Sesuatu nyang indah, kali nyang bening mengalir aer kehidupan dari tahtanyé Tuhan. Tiap pinggirannyé kali adé pohon kehidupan, nyang dulu pertama kali ditemukan di Taman Eden. Pohon ini istimewa banget. Ngehasilin duabelas jenis buah nyang bebéda, beda-beda tiap bulan. Dan daonnyé pohon kehidupan berguna buat nyembuhin seluruh bangsa.




Sorga kaga butuh matahari atau bulan buat sumber cahaya. Tuhan dipenuhin amé sinar kemuliaan nyang indah. Gak pernah adé malem disono.



Malah hewan-hewan di Surga beda. Semuanyé jinak dan bersahabat. Srigala amé domba bebarengan makanin rumput. Bahkan singa makanin jerami kayak lembu. TUHAN berkaté, "Mereka kaga bakal nyakitin ataupun ngerusak di setiap pegunungan Ané nyang suci."



Pas kita ngeliat sekeliling, kita nyadar bahwasannye ada sesuatu nyang hilang di Sorga. Kaga adé kata-kata amarah nyang bakal kedengeren. Kaga adé nyang berantem ato egois. Disono kaga adé konci ditiap pintu, karna disono kaga adé pencuri di Sorga. Disono kaga adé para pembohong, pembunuh, kang sihir atau penjahat. Kaga adé dosa dalam bentuk apepun di Sorga.




Di Sorga amé Tuhan  
kaga adé lagi air mata.  
Kadang, pengikut  
Tuhan nangis karna  
penderitaan nyang  
hebat semasa  
hidupnyé. Di Sorga,  
Tuhan bakal ngusap  
semué aer mata.



Kaga adé kematian di Sorga, juga. Pengikut Tuhan bakal selamanyé bersamé amé Tuhan. Kaga adé lagi penderitaan, kaga adé lagi tangisan, kaga adé lagi kepedihan. Kaga adé sakit, kaga adé perpisahan, kaga adé pemakaman.

Semué orang di  
Sorga bahagié  
selamanyé amé  
Tuhan.



Semué nyang terbaé, Sorga ntu buat bocah laki amé perempuan (dan juga adé orang dewasa) siapé nyang percaya amé Yesus Kristus sebagai penyelamat mereka dan udeh memuliakan Dié sebagai Tuhan mereka. Di Sorga, adé sebuah buku disono naményé Buku Kehidupan Domba.


Dipenuhin amé nama-nama orang.

Apé enté tau namé

siapé ajé nyang  
tertulis disono?

Semua orang nyang  
udeh percaya  
didalem Yesus.

Apakah namé enté  
adé disono?



Katé-katé paling akhir Alkitab tentang Sorga adalah sebuah undangan nyang mangagumkan. "Dan Roh amé penganten perempuan itu berkta, 'Datanglah!' dan biarkan dié yang ngedenger berkaté 'Datanglah!' Dan biarin mereka nyang aus dateng. Dan siapé ajé nyang kepengen,

dié  
bisa

ngabil aer  
kehidupan  
secara  
sesuka ati."



Sorga, Rumé Tuhan nyang Indah

Sebuah cerita dari perkataannya Tuhan, Alkitab

Ditemuin di

Yohanes 14; 2 Korintus 5;  
Wahyu 4, 21, 22

"Palang pintu Firman Engkau ngasih terang."  
Mazmur 119:130





Tamat



Ini cerita Alkitab nyeng nyeritain kita soal Tuhan kita nyeng kerén, nyeng nyiptain kita ama pengen enté kenal Dia. Tuhan tau kita udah bikin hal-hal nyeng kaga bae, nyeng Dia sebut dosa. Hukuman dosa ya mati, tapi Tuhan sayang bangat sama enté, Dia ngirim anaknya nyeng atu-atunya, Yesus, biar mati disalib dan dihukum karna dosa enté semua. Lantas Yesus idup dan balik lagi ke rumahnya ke Sorga. Kalo emang enté yakin ama Yesus dan minta biar Di maafin dosa-dosa enté, Dia bakalan ngelakuinnya!

Dia bakalan dateng dan idup di dalem enté ini ari, dan enté bakalan idup ama Dia selamanya.

Kalo enté yakin ini kebenerannya, sautin ini ke Tuhan: Ya Yesus, ané percaya kalo Engkau itu Tuhan, dan berubah jadi manusia buat mati karna dosa ané, dan sekarang Engkau idup lagi. Tulung dateng kedalem idup ané sama maafin dosa-dosa ané, biar ané punya idup nyeng baru ini ari, dan entar bakalan pegih sama Engkau selamanya. Tulungin ané biar bisa nurutin Engkau dan idup buat Engkau ama anak Engkau. Amin.

Bacain Alkitab dan ngomong ke Tuhan tiap ari! Yohanes 3:16

